

DE EART HÒT A TSCHLÈCHTE KRÒNKAIT

De eart hòt a tschèchte krònkait
ont ber miasn mòchen eppes schoa' hait.

De eart sogt ens za nèt tschbaisn en
ont ber hom lai za lisnen.

De hòt probiart za song ens en an schouber virm,
ma finz as ist nèt pferlech gaben ver ins
hòt s ens nèt enteressiart.

laz velaicht vòng ber u' za verstea'
as a groasa bècksl hom ber za tea'.

laz mias ber òlla stea' en haus
ont ber derven nèt gea' anaus.

Pet òlla de lait en de sai' haiser drinn
de eart kònnit bider augea', abia a nais kinn.

Òlla de fabrike ont de boteing sai' zua
ont de natur kaimt ont plea't guat.

S umbèltschbissn ist asou nider abia nia
ont de kònnen guat otnen aa de kia.

Ber miasn umkearn za lem pet de natur
abia de òltn Bersntoler hom òlbe gatu'.

En de jorzaitn mias ber nogea',
en de acker ont en de boan stea'.

De inger none denken se van doi lem
ont de hom ens òlbe de doi nochrìcht gem:

“S lem van a vòrt
ist gaben propre hòrt,
ober za hom gearn de natur
ist gaben de inser kultur!”